

En regurdientscha dil defunct

Scolar Serafin Cavegn, Rueras/Tujetsch

(Corr.) La mort da mintga carstgaun ei gnamein zatgei tragic. Da quella verdad egnan ins conscents aunc pli fetg, cura ch'in carstgaun giuven banduna ils ses cars da casa. Ed aschia eisi stau in di stgir trest, ils 1 da mars 1978, cura che il enn da miert ha annunziau cun tun lamentont la tresta e prematura mort dil scolar Serafin Cavegn da Rueras, spartius ntras ina tragica disgrazia cun skis. Ei era la jamna che nos affons da scola havevan d'ir cun skis, la aschinumnada jamna 'a sport. Quella haveva entschiet cun ils 7 da fevrer 1978. Cheu stuevan mintgai tuts ils scolars e las scolaras esser la damaun allas 10.00 uras sper il runal da sis a Dieni.

Quei ei iu tut stupert entochen la mesjamna endamaun. Tgei lura? Tuts ils affons ein pinai. Mo il Serafin maunca. — gei far —? Ils scolasts havevan mess giu



31.3.1978 u. 26

gruppas, nua che in u l'auter conscolar haveva dad ira cun zacons. Muncond il Serafin, han ins bein giu annunziau quei al scolast avon che partir, che il Serafin seigi buca leu. Ins ha lura nuota fatg pli bia ordlunder ed ils auters ein ascendi cul runal enviers il Cuolm-Val. E tonaton havevan aunc auters scolars viu ed eran stai cul Serafin en campignia cun skis avon che stuer esser pinai tuts ensemen per la partenza. Els eran sorti ensivars encunter Scharinas ed encunter las laminerias da fier. Ils auters cumpogns ein returnai engiu ed il Serafin sto esser staus anavos ed ius pli sut ora ed aschia encunter a sia mort.

Ha ei veramein stuiu esser che quei dueva esser la davosa tura cun skis per nies bien Serafin? El era in tafer buob dalla davosa classa reala ed haveva in plascher nundescrivibel che el era staus a Trun ina jamna per far in emprendissadi d'emprova per lura saver entrar la primavera sco emprendist cuschinier. Ei ha buca duiu esser. Ed ins sedamonda aunc oz — e forsa aunc ditg — daco han ins buca mirau meglier, nua che quei scolar savessi esser? Daco e pertgei han ins buca dumandau a casa, schebein el fussi forsa leu? Pertgei e perco han ins aunc da miezdi buca dumandau e mirau suenter il scolar sepiars? Quei pertgei e perco mulesta buca mo il scribent da questas lingias, mobein aunc biars auters che fan talas damondas. Ils affons eran gie sut survigilanza dils scolasts, aschiglioc drova ei gie negin, sche ins ha negina controlla dils affons. Basta quei lai oz buca pli midar e nus surschein quei pertgei e perco ad auters pli perderts da vuler far lur pa-

tratgs —. In factum ei ch'il Serafin ei morts e quei d'ina tragica disgrazia e tuorna buca pli anavos tier ses buns geniturs e fargliuns.

La damaun eis el ius orda casa sco adina, sauns e tafers ed ha aunc detg alla muma: «Tschau e stei bein». Buca returnaus la sera culs auters a casa, han ins bein entschiet a far suspects ed ins era en spir temas e fetgas, nua ch'il Serafin pudessi esser, sperond ch'ei seigi buca schabegia enzatgei ed aschia vinavon. La sera allas 18.30 uras han ins immediat alarmau la colonna d'agid, che ei stada sil fiat en pei. E cheu seigi era aunc engraziau als menaders da tala colonna per lui promt e spert agid d'encurir il spariu.

Malgrad ch'ins ha anflau spert il disgraziau ein tuttas stentas stadas vanas. Il Serafin era gia ina bara, e sco tala eis el vegnius purtaus a casa tier ses geniturs e fargliuns. Ins sa comprender tgei dolur e mal ei ha fatg a tuts ils ses cars da casa; dolurs e mals che mo quels ch'ei tucca sentan. Plagas che migliuran mo plaun. Mo nus vulein far neginas reproschas alla Divina providentscha, schend: Il Segner ha dau, il Segner ha priu, il num dil Segner seigi benedius. Quella consolaziun savein nus haver. Nus astgein crer ch'il Serafin sesanfli oz ella gloria dil s. parvis e da leu anora sa el — e vegn el era — a gidar ses buns geniturs e fargliuns aunc oz contrastai.

Ed era quei savein nus che dil Serafin vegn ei mai pli schliatas novas. Oz en quei pauper e schliet mund savein nus buca tut tgei che nos affons han aunc da spitgar. Il Serafin ei naschius ils 21 da fevrer 1962 a Rueras, e quei sco 5avel affon dad ina gronda e biala famiglia 5 buobas e treis buobs dils geniturs Lucas e Francisca Cavegn, nata Curschellas. Ils 1 da mars, la mesjamna, ha quella tragica e tresta disgrazia stuiu capitare. Ed ils 4 da mars han ins surdau il bien Serafin alla fossa benedida el bi santeri da s. Vigeli a Sedrun. Ina sepultura che ha fatg gronda impressiun, vesend co ses conscolars e sias consolaras mettevan giu ella fossa fluras per davos cumiau a siu conscolar.

Per nus tuts, per mei e per Tei, ei quei in avis d'esser pinai, pertgei nus savein buca cura che nossra ura dalla mort s'avischina. Nus savein era buca, nua che ella ei e sin tgei moda e maniera ch'ella vegn. Ed ins sa turnar e clamar en memoria il verdeivel proverbio che di: Ils vegls ston murir ed ils giuvens san murir! Tgi che ha la veta, ha la mort. Nus clamain tier a Ti, car Serafin, roga per Tes buns geniturs e fargliuns ed era per nus tuts. Nus schein: sin seveser. Il Segner detti a tuts defuncts il ruaus perpeten e la gisch sclareschi a tuts. RIP

G.F.